

Q. F. F. Q. E. J. S. S. T.
DISPUTATIO METAPHYSICA

De

S U B S T A N T I A.

Q U A M,

IN REGIA ACADEMIA ABOENSI,
Consentiente Amplissima Facultate Philosophicâ,

S U B P R E S I D I O

Viri Praeclarissimi

DN. M. AXELII Kämpes, Philosoph.
Practicæ & Historiarum Professoris Publici, nec non
Facultatis Philosophicæ p. t. Decani spectabilis, Præce-
ptoris & Promotoris sui omni observantia
ætatem devenerandi,

Pro Gradu Magisterij Philosophici legitimè consequendo,
publicæ candidè Philosophantium censuræ submittit

JACOB. LAUR. TAMMELINUS
Finl. S.R.M. Alumnus,

Ad diem 2. April. Anni 1664. In Auditorio Ma-
ximo, horis solitis,

A B O Ä,

Excusam à PETRO HANSONIO Acad Typ.

DISPUTATIO METAPHYSICA
SUBSTANTIÆ

IN REGIA ACADEMIA ARONIENSIS
CONFIRMATA VERSUS TITULAM PHYSICOLOGICAM

SUPER TITULAM

VITI PHYSICOLOGICÆ

DN M. AXELI III RUMPHÆ PHYSICOLOGI
HABITUS & HISTORIÆ PROFESSORIS PUBLICÆ RECENSIONE
ESTUARII PHYSICOLOGICÆ & DECAINI LIBRARIÆ PHYSICOLOGICÆ TRACTA
TOMVS II PLUTONIUS IN OMNI OPTIMA SENSIBILI
ACADEMIÆ ACTUALITER

PER GABRIELVM RUMPHIUM PHYSICOLOGIÆ PROFESSORIS
HABITUS & HISTORIÆ PROFESSORIS PUBLICÆ RECENSIONE
IACOBVS LAVINVS TATMELINVS
ETIACVM S.R.M. ALBINVS

AD QVAM S. M. RUMPHIUS IN YUGIBUS Nono
Sed PROPSer ProPSer FacULTATe TraNSLATIO

A B O E

HISTORIÆ PLUTONIÆ HANSONIS ACED TAB.

I. N. I. C. S. N.

Introitus.



*A intellectus nostri cum sit in-
doles, ut ab omni abhorrens con-
fusionem, universum scibile, quod
insatiabili exhaudire desiderat
appetitu, ordinatè scire expetat;
Proinde ne in Materie hujus
non solum subtilissimæ, verum
etiam summè necessarie contemplatione, buc illucq;
in varias confusionis partes trabatur, in frontispicio
statim certò de ordine solicitos nos esse oportet. Gra-
tiā itaq; Methodi, tres hujus tractatus constituo-
sectiones, primum substantiæ Definitionem ex-
positurus, postea speciales subsistendi modos seu
gradus speculaturus, tertio tandem ejusdem
Divisione colophonem eidem impositurus. Sit
itaque.*

SECTIO PRIMA

Definitionem Substantiæ exhibens.

UT autem eo melior ad Definitionem Realem
patescat aditus, primum *Nominalis* erit prælibanda,
in qua expendenda occurrit:

1. *Etymologia.* Derivatur nomen substantiæ, vel à substantiō, ut ex sono verborum apparet, ubi vocabulum substare non tantum in sensu positivo accipientum est, prout connotat respectum ad accidentia, quibus, cœo eorum sustentaculum & fundamentum, substans; verum etiam in Negativo, ut substare dicatur illud, cui non aliud substans, hoc est, quod non eget alio, in quo fulciantur & sustentetur, quomodo rō substare de Ente quoq; infinito dici potest, & satis commodam, inter substantiam & accidens, differentiam constituit, cum hoc res quirat, ut illi aliud substet, illa vero non. Vide hac de re differentem Clariss. Scheibl. introd. Log. c. 5. com. in. 2. *Vel à subsistendo*, quia per se subsistit, quæ derivatio ut magis est Metaphysica, ita etiam ad formalem substantiæ rationem exprimendam magis convenit.

2. *Homonymia.* Significat hæc vox α. *Subjectum*, quomodo omne, quod adjunctum habet, etiam ipsum accidens, substantiæ nomen sibi vendicat. β. *Generaliter*. *Eos seu Essentiam*, quo sensu Aug. dixit non esse, quod non est substantia, & Arist. Definitionem substantiæ, hoc est *essentia*, cognitionem appellavit, qua ratione substantia rei cum essentia permutatur, adeò ut in tota natura, nihil reperire liceat, quod non sit substantia, orta autem est hæc acceptio à Græca voce στια, quæ & substantiam & accidens significati γ. *Specialiter*, sive substantiam priam sive subst. eminentissimam, sive finitam &c. quas ut & alias vocis hujus significationes enumeratas atq; evolutas pete ex Inst. Log. Tract. Prœm. p. 58. Praeclariss. Thuronij præceptoris mei honoratiss. & D. Calovij Metaph. Div. part. spec. c. 2. theor. 2. δ. *Ad aqua-* δε, pro Ente per se subsistente. Hoc autem modo sumta, *viciissim accipitur*: *Vel Logicè* & *Pradicamentaliter*, prout

prout restringitur ad Ens finitum & completum; Vel Metaphysicè & Transcendentaliter, prout abstrahitur à finito & infinito, completo & incompleto. Et hæc acceptio hujus loci est propria.

Expositâ sic ἵπαρχοιοτητί, ad στραγγωλογίαν deveniendum. Naturam autem substantiæ Philosophi hac explicare solent descriptione:

Substantia est ens per se subsistens.

Quæ ut clarius evadat, observa i. Ens, quod hic vice Generis fungitur, accuratè loquendo, substantiæ *Genus* non esse, siquidem α. Hæc ejus *Species* non est, cum sit ipsum summum Genus, uti omnium Accuratioñum Philosophorum consensu constat, quomodo ergo *species* fieri potest? β. Si Ens haberet *species*, tum necessariò darentur in illis differentiæ specificæ, *species* enim semper infert differentiam specificam, quā contrahitur Genus ad certam speciem: At nulla est differentia, quā Ens, conceptus communissimus, possit contrahiri ad speciem aliquam. Quia primò, Ens in omnibus, quæ de substantia & accidente prædicantur, necessariò & quidditativè includitur, quod officio repugnat differentiæ, ut de illa prædicetur genus suæ speciei in quid & Essentialiter. Si autem Ens de differentia substantiæ non prædicaretur quidditativè, tum omnino esset non Ens, hoc autem speciei ultimam & positivam perfectionem quomodo dare possit? Deinde, si hic daretur differentia, conceenda quoq; esset compositio, quod enim habet differentiam naturæ communi superadditam, illud certe compositum est. At nihil est absurdius, quam dicere substantiam, ex Genere & differentia esse compositam, sic quoq; Deus, qui substantia est, esset compositus. E.

gregiè hanc rem illustratam alijs Entis divisionibus, nec non exemplis vid. apud Clariss. Scheibl. l. t. Metaph. n. 41. & 42. Ergò invictè hinc sequitur, *Ens Philosophiæ* loquendū, non esse *Genus substantiæ*. Sustinet autem vicem *Generis*, quia latius est substantiæ, & accidentibus quoq; convenit, uti acutiss. loquitur Frommius. Utrumq; enim per se & intrinsecè essentiam habet in natura realē, positivam & actualem.

2. Formalem rationem vel quasi differentiam substantiæ exprimi verbis: *per se subsistere*, quæ conceptum Entis expressiorem dicunt, sine omni tamen compositione, eumq; talem, qui propriam per se subsistentiam habet, quo ab accidente distinguitur, quod non per se subsistit, sed in alio, cœa subjecto, inhæret & inexistit.

Verbū autem hæc ut eò melius percipias, nota l. 20 *per se subsistere*, non accipieadum esse speci. liter pro subsistentia hypostatica, seu perfectissimo & planè ultimato subsistendi modo, prout aliquid subsistit incommunicabiliter, qui suppositis & personis solummodo convenit, ita enim adæquate non opponeretur inhærentiæ, cum multæ dantur substantiæ, utpote ignis in ferro ignito, terra in mixto &c. Quæ etsi ultimato non subsistunt, non tamen inhærent; sed Generaliter, pro tali modo existendi, juxta quem aliquid per se existit & non in alio tanquam subjecto ita inest, ut sine illo esse non possit, & hac ratione adæquate opponitur accidenti, sic enim omnia, quæ per se subsistunt, etiam partes, substantiæ nomine veniunt.

2. Substantiam dici *subsistere per se*, non ratione originis, ita enim solus Deus est per se: nec ratione compositionis,

nis, sic Ens simplex tantum est per se: nec ratione collectio-
nis, quomodo per se opponitur aggregato: nec ratio-
ne causalitatis, quâ ratione opponitur causa & Effecto
per accidens: nec ratione inheretionis, quo pacto opponi-
tur adjuncto contingentia: nec ratione predicationis, quia
tunc significat axioma necessarium, cuius prædicatum
est esse essentiale subjecto; sed ratione subsistentia, prout esse
per se, opponitur ratiō esse in alio, tanquam subjecto. Conf.
Inst. Log. Tract. Proem. p. 61. præcl. Thuronij & From-
mij Metaph. part. 2. c. 2. theor. 3 § 3.

Optime itaq; per se subsistere hic exponitur negativè,
ut idem sit ac non subsistere in alio. Ubi vox esse in
alio, non generaliter, pro qualicunq; inessendi modo
accienda est, sic ipsæ etiam substantiæ aliquo modo
inesse possunt, ut partes in toto, divinitatis plenitudo in
corpore assumpto, aqua in spongia &c. Sed specialiter
& in ea angustia, quâ adæquatè opponitur ratiō per se
subsistere. Quomodo illud, juxta communem Philoso-
phorum usum, in subjecto esse dicitur, quod inest alicui
tanquam peculiare Ens, ita tamen ut non sit pars ejus,
& omnino esse non possit nisi in illa re, atq; cum eo
cui inest, non constituit unum per se, quo pacto o-
mnia & sola accidentia inherent & sunt in subjecto.

SECTIO SECUNDA

Speciales subsistendi modos exponens.

Ante omnia autem hic scias, non esse sermonem de
substantia universalis, cum hæc extra mentem non des-
tur, ut demonstrat D. Calov. part. gen. sect. 1. tract.
post. c. 4. § 1. Sed de substantia singulari, cui soli di-
stincti

stincti subsistendi modi, per quos sub alia atq; alia limitatione sese exserit, conveniunt. Quæ si pure, abstrahendo à modis, consideratur, est substantia unitate numerica determinata.

Ubi unitas intelligenda est non Quantitativa & Arithmetica, sed Transcendentalis & Metaphysica. Determinatio quoq; hic ita est accipienda, ut non finitudo aut compositionis aliqua subinferatur, non enim hic definitur subst. sing. per superadditam differentiam specificam determinantem, sed per restrictionem numericam, quæ contradistinguitur ab universalibus, quæ divisibilia & communicabilia sunt ad plura essentialiter inferiora, sic Genus communicat sese speciei, species distinctis individualibus. Illa vero commune esse nequit pluribus essentialiter inferioribus, & in illis divisim multiplicari.

Cautè autem hic observandum, Dum sing. subst. incommunicabilitas dicitur, non removeri omnes communicationis modos, sed solummodo communicationem & multiplicationem in inferioribus. Vid. D. Calovij ἀντολογ. de unit. § 1. & πορίγνωμα 4. Et part. spec. c. 3. πορίσμα, 3. & seq. Subst. ita quæ sing. quæ talis, non importat incommunicabilem subsistendi rationem.

Substantia singularis ratione status sui spectata, est vel completa in subsistendo vel incompleta.

Incompleta autem esse potest substantia, ut rectè docet Dn. D. Jac. Mart. in part. Met. l. 2. Sect. 5. thes. 61. Vel ex se & intrinsecè, quomodo res & ratione essendi & ratione subsistendi incompleta est, sic incompletæ sunt partes utpote anima, pes, manus &c. quæ naturâ suâ communicabiles sunt toti, & mutuo consistunt ad constitutionem compositi.

Vel

Vel aliunde & ab extrinseca, quā res propriā sibi per naturam debitā, destituitur subsistentiā, & alterius subsistentiā gaudet, idq; per arctam cum ipsā unionem. Alias Calovio ἐνυπόσατος & ἐνύπαρχος appellatur.

Tria autem ad ejus constitutionem requiruntur. 1. Ut subsistentiā, quae ipsi natura debetur, destituatur, nec hoc formalī substantiā rationi repugnat, potest enim quiditativē naturā sua esse perfecta licet propria subsistentiā non gaudeat, substantia enim singularis non dicit incommunicabilem subsistendi rationem, ut modo dictum. Sic E. g. ignis in ferro ignito, licet non gaudeat propriā subsistentiā, verè tamen est substantia singularis. 2. Ut alterius gaudeat subsistentiā, omnis enim substantia in effendo completa, quae actu secundo subsistit, vel propriā gaudebit subsistentiā aut alienā, nam alioquin erit ἐνυπόσατος, ubi nihil obstat, quin substantia unius naturæ benè possit communicari alteri, quando ea propriā destituitur. Incommunicabilis enim dum dicitur substantia, respectus taltem fit ad supposita & personas, quod scilicet unius suppositi vel persona substantia, non possit communicari alteri supposito vel persona, cum unumquodq; horum habeat actum subsistendi ultimatum. 3. Ut arcta interveniat unio, vi cuius ἐνυπόσατος alterius participet subsistentiam, & id quod ἐνυπόσατος est, perficietur, & in alterius hypostasin evehetur.

Subst. Sing. in subsistendo completa est, quae habet ultimum sibi naturā suā debitum subsistentia completa actum. Dicitur alias ἀνθυπόσατος, ἀντύπαρχος & ἴδωσατος.

Requiritur autem ad formalitatem ejus 1. Ut non solum completa sit ratione essentiæ, sed ut etiam completa sit ra-

tione subsistentie, & habeat ultimatum subsistentiae actum ulteriorem terminationem excludentem. 2. Ut ex propria natura habeat actum illum ultimum, non aliunde resultantem, unde in quovis $\alpha\omega\vartheta\pi\sigma\alpha\tau\omega$ talis est subsistendi modus, qualis est ejus essentia.

Hujusmodi autem $\alpha\omega\vartheta\pi\sigma\alpha\tau\omega$ sunt suppositum & Persona.

Ut hanc distinctionem eò faciliùs intelligas, notandum est. 1. Quod suppositum & persona non sunt species aliquæ distinctæ subst. singularis, nulla enim realis inter hæc datur differentia, sed differunt solum ut latius & strictius; Suppositum etenim generalius est persona, omnis namquæ persona est suppositum, & omne suppositum est substantia singularis, sed non omne individuum est suppositum, cum substantiae incompletae etiam sunt subst. sing. quæ tam non sunt supposita, nec omne suppositum est persona, cum illud indifferenter se habeat ad substantias intelligentes & non intelligentes, Persona vero restringatur ad substantias intelligentes. 2. Quod Vox suppositi & Personæ duplicitè considerari potest. α. Materialiter & concretivè, prout connotat ipsam substantiam seu naturam, tanquam suum subjectum, cuius incommunicabilis subsistentia est. β. Formaliter & Abstractivè, pro ipso incommunicabili subsistendi modo, quomodo suppositum & suppositalitas, Persona & Personalitas sibi invicem æquipollent. Cum autem modorum horum substantiarium natura accuratiùs in abstracto explicari possit, proinde in abstracto quoq; hic erunt definiendi.

Suppositum itaq;, Definiente D. Calvio, est substantia singularis, completa, per se & incommunicabiliter subsistendi modus.

Distin-

Distinctè in hac Descriptione insinuantur, Materiale & Formale suppositi.

Ad Materiale spectat. 1. Ut sit *substantia*, removetur itaq; *accidentia*, quæ non sunt *supposta*, sed in *subjecto* inexistunt. Ubi nota α. Non plane idem esse *suppositum* & *substantiam singularem*, addit enim illud huic, certum hunc modum *substantialem*, *subsistentiam scilicet incommunicabilem*, licet autem *singulare* etiam sit *incommunicabile*, ut non in *inferioribus* multiplicetur *essentialiter*, ut supra indigitatum, hic tamen alia *incommunicabilitas* designatur, quâ *nempe suppositum* non potest alteri *subsistentii* communicari, ut ab illo ulterius terminetur. β. *Substantiam* non esse *suppositi Genus*, vera enim *genera* & *species* habentur in *prædicamentis*, *suppositum* vero est *Transcendens Prædicamentum substantiarum*, cum Deus & omnia alia entia completa sint *supposita*. Confer Theor. Transc. Scharffij part. sp. disp. 2. th. 37 & seq. Ubi varijs argumentis probat, *substantiam* non esse *Genus suppositi* contra *Gosla sum.*

2. Ut *singularis* sit, excluduntur proinde *substantiae universales*, *Genera* & *species* è numero *suppositorum* quæ extra mentem in natura a&u non existunt. 3. Ut sit *completa*, partes ergo & quæ alterius *subsistentiæ* gaudent, non sunt *supposita*.

Formale suppositi est: per se & *incommunicabilitè subsistendi ratio*, hoc enim additum *subst. sing. suppositum* constituit, & ab alijs modis *incompletis* distinguit, intellegendò rationem per se *subsistendi*, non *generaliter*, prout *subsistere* opponitur *inhærere*; sed *specialiter* pro *ultimo*, *perfectissimo*, *independenti* & *incommunicabili* *subsistendi modo*, ut non dependeat ab alio tanquam *sustentante*, nec *sustentetur* ab alio *unito*.

Dum autem suppositum dicitur *incommunicabile*, non
h. l. removetur *communicatio* κατὰ μέθεξιν, cum hæc
voce singularitatis jam antea sit remota; Nec *communi-*
cabilitas ad aliquam naturam, ut eam terminet: *supposi-*
tum enim qua tale potest aliud terminare, modo i-
plum aliunde non terminetur, sed dicitur *suppositum*
incommunicabile, quia r. non habet aliunde *dependentem*
& *communicatam subsistentiam*, si enim ab alio *ulteriore*
terminum accepisset, quod *ultimo terminatum est*, con-
tradiccio esset. Quia z. *Suppositalitatem suam* alijs *sup-*
posito non *communicat*, nisi illud suam imprimis amittat,
sic ignis quando cum ferro unitur amittit suam ultima-
tam *subsistentiam*, & subsistit *subsistentia ferri*. Vid.
Part. 2. c. 2. § 4. Metaph. From.

Persona est suppositum intelligens.

Alias describi solet colligendo omnes *conditiones* h.
m. *Persona est substantia, singularis, completa, intellectualis*
subsistentia, οὐ πάρος, & incommunicabilis. Verum
vox *suppositi* omnes istas *conditiones*, præter determina-
tionem ad certum *subjectum, intelligens, comprehen-*
dit.

Ut autem datam descriptionem percipias, singulo-
rum verborum explicacioni attende.

I. *Persona* a. si *Etymon* spectes, dicitur Gellio quasi
per se *sonans*, quia primitus personæ in conœdiis can-
tu res suas agebant, ut unaquæq; audiri posset per se
sonans. Convenientius autem dicitur q. per se *una*,
quia nobilissima ratione est per se *una* & *singularis*,
cum perfectissima subsistendi ratione gaudeat. β. Non
notat hic *qualitatem*, aut *fictitiam* aliquam *repræsentatio-*
nem, ut vult Valla lib. 6. Eleg. c. 35. Sed *substantiam in-*
tellectu-

intellectualē, *singularem*, quā acceptione Latini ea quo-
quē voce utuntur Scriptores. Vid. Valer. Max. l. 2 c.
21. Inst. Jur. civ. lib. 2. tit. 9. Quint. l. 7. c. 1. &c. 2. *Æ-*
quipollet voci, *hypostasis*, non latē sumptae pro *essentia*,
sed strictè prout personam significet.

2. *Suppositum*, hic est loco generis, quia *latius* patet
ut antea dictum.

3. Additur *intelligens*, quod unicum illud est, quo
personā ab alijs *suppositis* discriminatur, non ergo *animā*
carentia, *lapides*, *metalla* &c. nec *vegetativa*, utpote *plati-*
x, *Arbores* &c. nec *sensitiva* ut *canes*, *leones* &c. personæ
sunt, quæ *supposita* recte dicuntur, sed solum illa quæ
naturæ sunt *intellectualis*, quales Deus, Angelus & homo.

Quanquam autem per *intellectum* personæ ab alijs
suppositis distingvantur, non tamen *expropter* is ad
formalem personæ rationem spectat, sed ad *materiale*,
quod apertè liquet è *concreta* personæ consideratio-
ne. Persona enim uti loquitur D. Calov. concretè per mo-
dum *denominativorum* implicat, tum naturam siogu-
larem *intellectualē*, quæ *materiale* dicitur prout in
denominativis fieri solet, tum modum ei quasi super
additum, quo in esse personæ, ejusmodi natura consti-
tuitur, qui *formalem* ejus rationem spectat. Conve-
niunt Ergo *suppositum* & *Persona formaliter*, nam illa *sub-*
stantia, *singularis*, *intellectualis* demum *persona* est, quæ
ultimatō subsistit; *Materialiter* differunt, *suppositum* enim
de quavis *persona*. *Persona*, autem de *supposito intellectuali*
solum dicitur.

SECTIO TERTIA

Divisionem substantiæ proponens.

Substantia est vel *spiritualis* vel *corporea*, illa *spiritus*
bac

hec corpus appellatur. Quæ h. m. definiri solent.

Spiritus est substantia natura sua immaterialis, cuius theoria tam Generalis, quam Specialis in Pneumatologia consideranda erit.

Corpus est substantia, materia & forma constans, quod in Physica, quæ causas, affectiones & species contemplandum erit.

Qui vero ulteriorem horum considerationem, in quantum scilicet illa ad Metaphysicam pertinet, desiderat, adeat Scheiblerum, Calovium & alios Metaphysicos.

Ego vero hic brevitati studens, S. S. Triadi devotedas grates tribuendo, gradum fijo.

Soli Deo Gloria.

Viro - Juveni :

Natalibus, Virtute & Eruditione Ornatusissimo ac Præstantissimo,

Dn. JACOBO TAMMELINO, Phil. Cansidato meritissimo, Amico suo sincerè dilecto, pro Gradu in Philosophia summo acutè disputanti.

LAUDIBUS INGENIJ quia polles DOCTE JACOBE

Et raro inter portio clara clues :

Hinc merito cinget virens TUA tempora Laurus,

Et docto capiti surget honoris apex.

Gratulor hos fructus raro, bone amice sequantur

Ut plures, voveo, vive valeq; diu !

*His licet paucis ex animo
tamen grat.*

A X E L I U S R e m p e .

Insigni

Insigni eruditione, modestia, ceterisq; virtutibus conspicuo
Juveni,

DN. JACOBO LAUR. TAMMELINO, Philosophiae Candidato Doctiss: pro summis in eadem Facultate privilegijs ingeniose disputanti, Patriota & amico suo honorando, felices studiorum progressus & auspicia honorum gratulari voluit:

Sunt sua militibus sati ardua bella : labores
Agriculis: nautas magna pericla manent.
Omnia sunt illis, qui Phæbi castra sequuntur ;
Bella, labor, sortis pessima tela malæ.
Bella gerenda quibus, propriâ cum carne rebellis,
Cæcâ mente, malâ pauperie, invidiâ.
Accedunt illis tot millia dura laborum,
Herculeos humeros quæ superare queant.
His adversa inopus conjunge pericula sortis,
Quæs studioſa cohors pressa subinde gemit.
Talia monstra cui dabitur superare : triumphos
Jure suo dicit, latus ovatq; diu.
Hec JACOBE tuos quoq; debellasse labores
Haec tenus, & patriæ gratulor atq; tibi.
Imodò: quæ restant, audientior omnia felix
Confice : sic vîctor florida ferta geres.

L. Mq; licet subito fuso carmine

MART: MILTOPÆUS

Eloq. Prof. P.

Assiduos semper JACOBE polite labores,
Condignus comitatur honos & gloria magna.
Gratulor: en sudoris erunt tibi præmia: mitra,
Lilia, clarus honor, decus & Parnassia laurus.

L. mq; adposuit

HENNING. JOHANN. Græf.

Ad

Ad Dominum Candidatum amicorum charissimum.

Negligere, inquit Cicero, quid de se quisq; sentiat, non solum
arrogantis est, sed etiam omnino dissoluti. Quo melioris fas
mx desiderium animis mortalium ingenerare voluit. Bene euidem hoc
nomine omnibus consultum sit, studijs tamen vacantibus res hæc quam
maxime prodest. Arduum namq; iter, scopulis frequentiobus oblitum
ingressi sunt, ad quos ne inspingant, omnes ætatis ac industriae nervos
intendant, rerumque suarum satagant. Vix itaque quibus securiores
mentes placent turpem effugient notam, quorum in ore nihil est fre-
quentius, quam NON CURO; NIHIL NOCET; cum vitam &
famam pari passu ambulare merito reputarent, multorumque erectoris
notæ studium reminiscerentur, qui ut fama servirent, maluerunt vitam,
quam fortassis antehac unicum bonum diuturnum æstimarunt, relinque-
re, quam ullum existimationis detrimentum facere. Non vulgarem pros-
inde commendationem merentur, qui recto tramite ad veræ, i. e. in pu-
blicum profuturæ eruditionis laudem indefessi tendunt, & conscientia
propriæ, quæ bene factorum amplissima merces est, satisfacere conans-
tur. Quem E. mi JACOBÆ, tua in his evolvendis latet voluntas, quem
in ijsdem tua fugit sedulitas, dum emensus tot labores in spem solidi ho-
noris, de quo certandum fuit, hoc, ut ultimum discrimen adgredieris, & quo
amore virtutem amplectaris, quoq; obsequio Musas prosequeris, impigre
monstras. Quis ad laudes eas caligat, quas literis incumbentes mereunt, quod-
rum juventus serit cum fœnore ad senectutem redditura semina, & quorum
industria nicitur, ut dum suppetit vita, mors quam paucissima quæ abolere
possit inveniat. Quo tu itaq; propius ad hos conatus accedis, eo fecundius
specimen nunc edis. Quamobrem ex animo tibi gratulor mentem hanc literis
moribusq; probè exculcam. Gratulor Parentibus ac præceptoribus in te ins-
tuendo & erudiendo optimè collocatam operam. Ita namq; Deo, ita Mecæ-
natibus, ita sautoribus, ita deniq; bonis omnibus placere juvat. Vale. T.
OLAUS CTGNELIUS.

Perdilecte, tuos consequitur graves;

Frater, digna, labores, tibi gloria.

Tu namq; egregius miles eras, juga

Parnassi, superans, ardua verticis.

Et præstantibus armis Heliconidum,

Hostiles facies, Pierijs plagis,

Vicisti Paphiæ, Mæonij patris.

Victorem ergò brabespon quoq; laurea,

Et gemmæ decorant, pulcraq; filia.

Hinc & magnus honos, perpetuum decus,

Immortale tibi nomen erit, chorus

Omnis Thespiaðum quod tibi conferet.

Sit felix honor hic, voveo, novus!

Ex altis benedicat Deus optimus!

GABRIEL TAMMELINUS.